

საქართველოს კანონი

„საქართველოს სახელმწიფო სიმბოლოების გამოყენების წესის შესახებ“ საქართველოს კანონში ცვლილების შეტანის თაობაზე

მუხლი 1. „საქართველოს სახელმწიფო სიმბოლოების გამოყენების წესის შესახებ“ საქართველოს კანონში (საქართველოს საკანონმდებლო მაცნე (www.matsne.gov.ge), 07.12.2018, სარეგისტრაციო კოდი: 010020000.05.001.019233) შეტანილ იქნეს შემდეგი ცვლილება:

1. მე-6 მუხლის პირველ პუნქტს დაემატოს შემდეგი შინაარსის „რ“ და „ს“ ქვეპუნქტები:

„რ) ზოგადსაგანმანათლებლო დაწესებულების/სკოლის შენობებზე;

ს) საქართველოს კანონმდებლობის შესაბამისად დაფუძნებული იურიდიული პირის შენობებზე, რომელიც უზრუნველყოფს სკოლამდელი აღზრდისა და განათლების მომსახურების მიწოდებას.“.

2. მე-12 მუხლს დაემატოს შემდეგი შინაარსის მე-4 პუნქტი:

„4. სავალდებულოა სახელმწიფო გერბის სრული სახით განთავსება ამ კანონის მე-6 მუხლის პირველი პუნქტის „რ“ და „ს“ ქვეპუნქტებით განსაზღვრული შენობების ფასადებსა და დაწესებულების დასახელების აღმნიშვნელ აბრებზე.“.

3. მე-15 მუხლს დაემატოს შემდეგი შინაარსის მე-11 პუნქტი:

„11. ამ მუხლის მე-10 პუნქტით გათვალისწინებული აკრძალვა არ მოქმედებს ამ კანონის მე-6 მუხლის პირველი პუნქტის „რ“ და „ს“ ქვეპუნქტებით განსაზღვრული შენობების ფასადებსა და დაწესებულების დასახელების აღმნიშვნელ აბრებზე სახელმწიფო გერბის გამოყენების შემთხვევაზე.“.

4. მე-17 მუხლის:

ა) სათაური ჩამოყალიბდეს არსებული რედაქციით:

„**მუხლი 17. საქართველოს სახელმწიფო ჰიმნი**“;

ბ) მე-8 პუნქტის შემდგომ დაემატოს შემდეგი შინაარსის მე-9 პუნქტი:

„9. სავალდებულოა საქართველოს სახელმწიფო ჰიმნის ტექსტის თვალსაჩინო ადგილას განთავსება ამ კანონის მე-6 მუხლის პირველი პუნქტის „რ“ და „ს“ ქვეპუნქტებით განსაზღვრულ დაწესებულებებში.“.

მუხლი 2. ეს კანონი ამოქმედდეს გამოქვეყნებისთანავე.